

Kelantan masih belum mantap

- Devan

KEMENANGAN tipis 1-0 Kelantan ke atas Universiti Kebangsaan Malaysia FC (**UKM FC**) pada aksi pusingan kedua Piala FA 2016 di Stadium Sultan Muhammad IV, Kota Bharu malam kelmarin mendedahkan kepincangan dalam pasukan yang terkenal dengan jolokan *The Red Warriors* (TRW) itu, lapor **YATIMIN ABDULLAH**.

Tanpa berselindung, jurulatih Kelantan, K. Devan mengakui skuad kendaliannya itu masih belum mantap terutama di posisi serangan dan ia memerlukan masa untuk membentuk gandingan lebih ampuh.



“Jentera serangan Kelantan masih belum mencapai tahap yang dikehendaki dan saya akui perkara ini. Lagipun Dramone Traore dan Blazhe Ilijoski baru sahaja digandingkan dalam beberapa perlawanan dan mereka memerlukan masa untuk membentuk persefahaman mantap.

“Nak siapkan sebuah pasukan mantap perlukan sedikit masa terutama dari segi aspek persefahaman, serangan dan pertahanan tetapi jika prestasi atas kertas diambil kira, Kelantan sudah ada pemain yang cukup baik musim ini,” kata Devan di Kota Bharu semalam.

Pada perlawanan kelmarin, Kelantan terpaksa menunggu sehingga minit ke-83 untuk memecah kebuntuan menerusi jaringan pemain gantian, Blazhe Ilijoski yang bijak menaoduk bola hantaran Wan Zack Haikal Wan Noor.

Devan memberitahu, beliau akan terus berusaha membentuk persefahaman mantap antara Troare dengan Ilijoski bagi memastikan kedua-dua pemain tersebut mampu memberikan seangat kepada jentera serangan pasukan.

Katanya, bagaimanapun semua itu bergantung dengan kesungguhan yang ditonjolkan oleh kedua-dua pemain berkenaan sepanjang sesi latihan.

Mengulas mengenai kemenangan tipis tersebut, Devan berkata, keputusan yang dilakar oleh barisan pemainnya itu bukanlah seperti yang di gambarkan.

Begitupun, katanya, beliau lega apabila Kelantan menang dan melangkah ke pusingan ketiga dalam saingan Piala FA musim ini.